

百
柱
堂
全
集

百柱堂詩集十四卷

壬子

癸丑

監利王柏心子壽

書感五首

壬子

寇何知遠略將不用奇兵詎解先人至徒聞散地爭搗虛猶未緩持重轉無成潰覆仍相繼威輕法更輕

秉鉞宜申討登壇在運籌安危關一將徵調竭諸州獨任專征責難窺制勝謀騰章方告捷高壘復何憂

桂水日流血妖星夜有芒輿尸悲五校奔命誤多方後效宜收燼何人更裹瘡羣蠻坐得計談笑掠軍糧

隣道張虛警長驅憚合圍縱橫成賊勢顧望失戎機列戍連

雖因先登策馬稀淮西無李愬安觀捷書飛
近報騎田嶺探丸又結屯三湘愁鼓角五管斷聲援速可除
滋蔓遲將縱燎原如聞籌筆者環卒擁轅門

送秋丞宰天柱

栖栖求祿已三年新得分符下日邊嗟爾一官隣賊境何人
百戰靜蠻天巖疆屯戍能無事瘠壤耕桑況可憐爲想下車
勤撫字春陵豈乏次山篇

答秋丞明府五十韻

辛苦黔南宰遲飛葉縣鳧妖氛纏楚粵戰鼓震邊隅暫與雲
同倦惟欣徑未蕪論成多感憤篇就屢嗟吁肝腦川原積脂

膏郡國輸江干驚候火牖下訛潛夫僕作沙鷗狎人言市虎
殊營屯環井邑父老切憂虞遂鼓中流楫言瞻故里榆倉皇
息陬計潦草辟兵符感子綢繆甚貽賤慰藉俱艱難雙涕淚
孱懦兩文儒禍作誰生此刑寬有是夫化鳩非所望爲虺急
當剗貪墨加股削椎埋敢竄逋探丸斫官吏奮挺會囚徒黔
鬱江均赤邕橫野盡屠磨牙縱蛇豕吮血競豺貙仗節師雖
出登壇禮未踰將猶權不一賊乃蔓難圖

帝赫雷霆怒

朝頒斧鉞誅特煩丞相重兼率羽林孤陳賞方傾藏騰章待
獻俘林間多喪馬幕上待聞烏未敢先批亢空然效守株全

軍俄失利四帥並捐軀風鶴聞皆遁天狼進益驅機槍森賜
睽桂管迫須臾守陣登咸哭殘骸爨欲枯撤圍旋北走大掠
更東趨度險誰堅壁浮湘直下汴橫行輕五嶺俯視臨重湖
專閫虛乘障巖疆或棄郛盡疑兵草木旁起盜荏苒故智矜
當輒羣凶阻負嶮勢纔同檻獸姦欲嘯城狐聚族殲宜速成
謀勝在吾不令築京觀何以肅

王鈇近者求言

詔懸輶播

帝都繼之陳讜論諫鼓徹雲衢濟運河猶梗征蠻士久劬大
農籌廩粟權計佐軍租

聖主欽明運羣公日月扶同心修治典一德幹

天樞殷武何難軼周宣詎足模方當用元凱甯至乏孫吳汎
掃消羣慝綏豐靖八區普天歌樂土元化鼓洪鑪比屋歡蠲
賦編氓慶

賜酺小臣在榮澗延首仰

皇謨

送鄭香谷少府移官永順

鸞鳳仍憐枳棘棲一階潦倒極攀躋夢中躍馬趨戎幕曾從厚

山宮保劉越逆於羊泉市老去聽猿過武溪黔蜀地通蠻塞北夔施山合

楚天西前朝峒戶多忠壯可起援軍赴鼓輦

永順宣撫司上兵明代屢赴徵

百杜集卷一四
詞皆著奇功今募之以討
粵寇亦制賊之勝算也

扼腕歌

鞭驚駘兮駕日車策跛隨兮戴蓬萊智短淺兮力不任終顛
覆兮召禍災犬逐虎兮羊拒狼狼益驕兮虎愈怒持太阿兮
投稚嬰嗟無路兮叩天鼓

浩歌

國得良將如奮六翮威名折衝盡偃兵革覘國安危在將得
人如何受鉞不擇虎臣風后尙父匪夢曷來精誠未結天斬
奇才燕任騎劫趙輦建信三軍輿尸國以大震嗚呼後世舍
驥取駕雖有韓白何異庸夫有客浩歌拊劍涕流機槍未掃

爲壯士羞

楚塞

賊鋒轉關幾千里楚塞聯屯十萬兵營道零陵愁不守湖濱
江介浪相驚頗聞節鉞少雄略何意鼓輦多死聲決策攻圍
今勿失忽看豺虎日縱橫

巴邱

東下長江遠鄂州扼吭形勢倚巴邱早令鷹隼乘秋氣急遣
熊羆鎮上游設伏奇兵先據險乘風飛炬利燔舟當關但得
王僧辨逆景雖來百不憂

神武

從來神武馭英雄得士方收薄伐功將帥奇才原不乏陰陽
元感若爲通黃金肯市燕臺駿白首猶符渭水熊下詔豈聞
求頗牧驚心鼓角遍湘東

曉帥

曉帥楊羅俱寂寞空聞麟閣久圖形天戈尙未清蠻塞河鼓
今誰應將星南楚萬山烽燧偏西風千里髑髏腥高城肯作
王羆豕憑險何難扼洞庭

濯纓歌

威弧不弦枉矢南流躡粵噬楚暴骨如邱風后呂牙閒世莫
覩哀哉烝氓遘茲荼苦養亂之源誰職其愆禍所從來匪降

自天悠悠湖波濶矣其清誅茅中沚爰濯我纓仰瞻太紫三
台在旁拔賢圖治永綏四方

巧遲

趙奢援閭與韋叡救鍾離鬪穴能矜勇飛橋獨濟師凶門爭
頃刻死地出神奇速解潭州急無爲貴巧遲

漫興

江上秋行盡愁心向落暉歲豐農轉病兵久捷何稀煥候無
凋葉暄陽未授衣天心寬肅殺安可測元機

狡獪狂難制吹脣沸地來烽連賈傅宅矢集定王臺尙遣游
魂騁徒開爨骨哀六旬圍不解誰挾陣雲開

仗節專征討連營授指麾封侯原自易報

主不應遲屢蹈多方誤頻聞左次師明明誅賞在

星斷豈能移

山澤多亡命紛然劫庫兵鷹鷂無搏擊蛇虎遂縱橫吏道猶
多雜征徭或未平願求龔渤海盡化盜爲氓

寇亂何時息人才此日艱干戈悲老至江海愧身閒北極尊
長拱東溟勢盡環凶渠須自縛萬一

貸苗頑

殷憂

奮挺爲戎首探丸起盜等

朝廷何負汝歲月尙稽誅馭朽增

宸慮銷氛仰

廟謨殷憂原啟聖

兢業卽昌符

讀史有作

登賢非一途文武惟其材俗儒聞世變功績安能恢文墨踐
要地廉謹居中台任過力不逮撓折終爲災昔者建元詔輻
輳異人來蹠跣亦見用漢武真雄才

立國在賞罰憲天爲大公帝皇逮王霸修政經兵戎所執此
二柄堅與金石同策力盡鼓舞常爲天下雄燕宥太傅評晉
寬梁王彤行法避貴近一國皆愚聾登車駕六馬可以追長

風中達舍銜策造父難爲功

馬服扞趙國謝艾重涼州主租及曹掾拔起任軍謀虎豹在
山林百獸伏不遊弱國得傑士無復強隣憂良賈備水旱必
資車與舟時危注意將專藉才略優何世乏韓白所患先不
求

漢成恣遊燕魏明飾土木二君材質優超然嗣厯服侈心一
以萌百蠱遂潛伏璿圖承匪輕金鑑炯當錄載稽無逸篇丹
書日在目慎德懷永圖億齡保天祿

牧守制千里疾惡當如鷹所屬戢貪縱寇盜何由興關內一
不治四境如亂繩召杜不可得久乃思馮滕勝之患已烈不

元魏起朔代控弦震北方九州得大半斂衽朝遐荒淫逮
中葉衰兆萌履霜六鎮一倡亂所在爲戰場妖賊縱殄滅強
臣遂鴟張追尋孝明世實始潰厥防賄賂徧私室選用非才
良奸雄敢抵隙覲覲干非常昔也震六合後如羸與厖制治
自有道道勝靡不強乃知帝王術刑政爲其綱

淮南輕公孫匈奴嗤千秋置相一不慎乃爲朝廷羞吾聞濟
巨川必資萬斛舟贊皇下澤潞晉公收蔡州一賢柄國政九
土銷姦謀折衝見才略臣主蒙其休斗筭累千百甯分宵旰
憂

命將鑿凶門保國安輿危將賢戰必克鞭笞及四夷將愚輒

玩寇蹙地多喪師古之干城選文武惟所施不起親與貴但
用才略奇自非豁達主拔擢猶遲疑柏直當韓信高帝聞已
哢何待接鋒刃了然決雄雌

漢置武功爵入貲皆補官賢否益混淆吏雜民不安盜賊自
此起直指出夏蘭持斧日斬斷閭里以凋殘選舉通治道同
源無異瀾源濁流豈清法敝民乃干西園復繼踵黃巾爲兵
端事固有召禍蒞利良足歎

世主矜右文鴻都聚學士嗜進來雕蟲雜然濫青紫主患不
用才所乏非俊偉奈何與豎儒齟齬事文史漢祖任三傑垂
祚四百祀唐羅天策英將相惟所使鴻鵠高戾天六翮運萬

里但憑腹背毛扶搖孰能起

野戍

野戍旌旗動遠天杖藜歎世晚風前王師久頓湖湘路妖孛
猶臨翼軫躔老大驚心多難日

聖明垂意中興年羣公深望勤光輔納誨無忘傅說篇

吾園

吾園下可瞰滄洲高下丹楓遶岸稠寒壁削棱森石氣晴沙
分脊界江流空將嘯傲凌千載已分行藏老一邱京觀至今
聞未築楚天南望使人愁

別後寄訊秋丞大令黔中

百柱堂詩集

卷十四

十

轉側虞難達津途各有屯遠求勾漏令聊比武陵源八月浮
江漢全家泝澧沅黔中何日到書報與柴門

昨者過吾里淹畱桂樹叢憂時江海下惜別鼓鼙中迹自飛
沈判心原淡泊同宦成倘招隱相與老蒿蓬

寄播州唐公

五嶺頻年戰骨悲潭州城外有旌旗明公屬在退居日天下
此非高卧時未老身猶誇鬢鏢出羣才足任安危方當強飯
須

明詔起掃妖氛也未遲

感事四絕句

任嘲呂姥與蕭娘萬馬環營劍戟光不遺賊鋒驚玉帳蒼生
何惜委豺狼

嚴城一夕盡填闔攻具梯衝若鬼神但有盤龍能突陣肯教
飛燕竟揚塵

開府張公親擐甲飛書閒賊運奇謀危城慷慨差強意長嘯
劉琨獨上樓

川西向帥膽縱橫稍在楊羅

忠武昭勇侯及天鵬軍門

後得名兩奮孤軍

援楚粵圍城中有一長城

青雲行寄袖石太史孝鳳兵部潤臣展雲芝房三侍讀

故人在青雲天上五色鸞爲羣野夫卧碧山乍可放浪漁樵

間碧山忽墮青雲書經年曾未答瓊琚誰料碧山邇烽火羗
村同谷無定居自從盜起亂嶺表乘虛突犯三湘道秋來又
報潭州圍氣蹴雄城愁欲倒

先帝末年嘗厭兵嶺海盜賊潛已萌疆臣稍稍置不問曠野
虎兕來縱橫古時牧守任將帥今時將帥直兒戲么麼鼓行
不能制此事爲憂恐非細山谷暴桀如蠡屯盡倚粵寇爲本
根斫吏盜庫敢潛署嗚呼禍烈難具論頗聞戍卒剽掠有
司不免肆徵索野夫感時涕如雨身賤無由叩天鼓回首青
雲有數公退食浩歎將無同曷不陳此區區忠大修賞罰問
疾苦羣盜立化爲耕農將得力牧相風后

陛下鴻名天地壽巍巍中興功不朽青雲客問碧山叟嚮者
杞憂復何有

寄于蕃太守永昌

褰帷萬里渡瀾滄絕徼西南總職方驃國新聲唐樂部哀牢
故塞漢夷王宣風合遣乘驄馬美政曾傳下鳳凰

聖主選賢崇治理徵除公輔必才良

昨歲心驚嶺嶠氛酒邊涕淚獨逢君橫流此日憂方大曲突
當時計未聞千里傳烽皆赤燧七重圍軫盡蒼雲戒嚴荆鄂
經三月兩地愁連故里枌

蹉跎

五旬逾四尙蹉跎便復百年能幾何江上逃名惟弋釣人間
送老更干戈吟成梁甫無相問論就潛夫孰見過騏驎壯時
猶未騁於今伏櫪但悲歌

戰勝

顛頡功猶戮王恢罪必刑法行先貴近戰勝在朝廷以此清
妖孛誰能抗疾霆古聞威克愛執憲有常經

虎蛟行

蘇援軍也

飢虎跳踉失林莽渴蛟陷泥屈其類此時罟網張連山獵師
漁子笑拊掌拊掌未已忽擾攘虎怒決罟蛟裂網虎蛟得勢
還噬人天生虎蛟何不仁嗟乎造物非不仁誰實縱之與禍

隣淋漓血肉盈四郊縱者之罪浮虎蛟

謀來行

賊來如颶去無迹去不敢追來不逆連營十萬但觀壁日費千金未足惜賊行拔壘偵已空中軍飛捷爭言功火光燭天墜賊箭謀來又報掠旁縣

粵賊陷岳州

岳陽山川用武國太息九泥塞不得五千戍卒望風逃賊騎縱橫纔二百哥舒戰敗關始開今者不戰雄城摧鄂州西門捍不早恨無老巖起當道

十一月七日賊遂浮江東下

巴邱城開待賊至兇獷長驅遂得志順流東下二千艘簫鼓
震江江欲沸帆檣獵獵東南風此輩自命爲梟雄舳艫縱有
曹公衆只用周郎一炬功

隱磯

隱磯斜直道人磯阻隘何爲縱突狶伐鼓賊艘驕益進沿江
屯卒潰先歸青絲白馬人間禍鐵舳蒼鷹水上飛載荻燒船
猶未晚堪嗟建策至今稀

避地村中贈隱者魏翁

畏路真爲偏仄行連天烽火訪柴荆江干虎兇狂難制湖上
鷗鳬靜不驚避世誰能知季主下簾聊復效君平幽棲便是

秦人洞徑擬相從老此生

哀蒲圻

小堅大敵擒震壓無不裂哀哉蒲圻城一鼓遂流血狂寇猶
長蛇食人恣饕餮令也喪其元殘衆見屠滅專閫非無人走
避少雄烈豈聞當戎行死握司馬節

天塹行

天塹長江作天險兵力雖雄孰能犯狂賊敢斷江中流渡馬
浮橋聯巨艦前月南風吹賊舟鼓掌謂可窺鄂州風伯驕賊
賊不悟百道衝車騁攻具北風夜撼地軸裂江流倒捲檣竿
折浮橋散亂隨流漸兇徒凍伏飢且啼骨僵足瘃坐受縛天

明日出屠鯨鯢

仲冬夜大雷電

震電驚冬仲燒空走赤蚪兵聲馳霹靂天意殛蚩尤盪滌荆
衡路澄清江漢流釜魚能幾日卽獻檻車囚

大雪憶湖上濯纓草堂時兒子遇率家人避寇於此

蕭條湖上村大雪閉柴門莫漫嗟荒僻猶能免竄奔豆羹朝
足飽芋火夜堪溫霽後冰應解乘舟返故園

江漢

一舉清江漢諸公速奮興賊疲鋒久挫糧盡勢堪乘磨扇驅
陳敏鳴甄走杜曾鄂州馳露布提騎見飛騰

南服

折衝南服壯侃訪憶威名盡遣湖湘肅兼令漢河清部中消
反側閭外倚干城晉室雖云弱猶能馭俊英

七哀詩

王子十二月四日鄂州失守王子悲之賦二章也

巨猾煽嶺嶠全楚爲戰場鼓行下江漢悍獷猶獠狂浮橋跨
天塹肉薄不可當乘閩苦霧蟻附緣池隍居人化白骨守
臣殉封疆自從巴邱陷失我西南防倉卒戰散地未陣先奔
亡連兵二十萬不能固金湯天意縱妖亂人謀亦未臧勃蘇
卒復楚蹶穿何慨慷慨痛哭懷義士使我多感傷

兵多不制賊連營空爾爲孤將惟向帥百戰氣不衰嗟哉夏

口役張睞驅飢疲一軍獨不敗苦關猶擎旗天生熊虎將傑
出匡時危豈不冒險厄功名艱益奇義真破廣宗公孫奮澠
池兵家有必勝轉敗爲良規克復在後效引領以爲期

鄂渚號雄麗上有仙人樓東西控吳蜀滔滔江漢流冠蓋走
輻輳英俊聯朋儔登臺會觴宴絃管揚清謳一旦穴蛇虺噓
毒空中浮生平同聲侶寄命於文矛消息不可得委骨何人
收大招寄楚些魂魄歸來遊將無化黃鶴濺血啼芳洲

中丞常公殉節詩

天塹長江失等閒援軍道梗戍軍孱兼旬空自支危局一死
猶能重太山遂有長蛇來薦食竟無虓虎助當關鬼雄應勒

雲中騎披髮揮戈殺賊還

武昌太守明韞田觀察殉節詩

烽烟慘照使君旗倉卒乘城甫下車與郡本爲

天子吏成仁無媿聖賢書盧循兇狡鋒誰敵傳燹艱難恨有
餘他日楚江崇廟食擷蘋千載重欷歔

漢陽陷後不得仲遠司馬耗

智囊頻獻策幕府未延才楚國誰令覆斯人實可哀衣冠遂
淪沒生死費疑猜東望長江斷誰傳消息來

有傳鄂州官兵屢勝者

癸丑

野覺陽回早春聞戰勝多光風舒岸柳喜氣動煙蘿啟篋披

黃石飛觴捲白波曉來鶯與燕似欲助饒歌

百戰川西將能令賊膽寒驚疆比吳漢克復恃田單但遣飛

芻繼何虞拔幟難桑榆收未晚重靖楚江瀾

後漢書吳漢傳贊吳公鸞願贊

為龍驤

書憤聞賊焚城東下

孫盧飽掠擁樓船三日燒城烈火延夏首西浮惟戰骨潯陽
東下盡烽煙習流剛舸誰曾備奔命追師未得前方鎮相望
仍縱寇深虞唐禍廣明年

咏史二首

唐家再有南方釁編筏東趨出桂州嶺嶠山川資首禍荆揚

軍鎮切深憂時平舉世忘思患廟勝何人解伐謀今古姦雄
多叵測悲來感事涕橫流唐時龐勛黃巢先後稱亂皆自桂
州編筏而下
滔滔江漢作金湯仰控湘州俯豫章安得威名陶太尉坐銷
烽燧國南疆水仙米賊無端逼地道衝車不可當一戰背城
曾未借可憐掃境付豺狼

後讀史作

郡守典兵馬制視古諸侯請奏及征討舉動皆自由折衝四
境內草澤銷姦謀後乃紂其權專城如贅疣連圻付節鎮從
容居方州勢大運必緩地廣防難周匹夫一攘臂千里皆虔
劉奔馬去拊勒穴蟻成橫流哉山濤言晉武不見收武備

去已久遂爲生民憂

自昔制妖賊無過乘飢疲杜隘絕饑道一舉殲無遺嵩僞破
黃巾馮異摧赤眉先後用此策前事良足師如何事浪戰所
在徒輿尸制變貴因敵決勝當用奇安得條侯將堅兵相與
持死寇必奔潰摧枯終有時

得張瑋公南漳書卻寄

故人高枕對清漳起賦愁霖倦舉觴頗慕京房銷變異誰徵
郎顗策陰陽天涯舊雨三年訊江國烽煙百戰場惟有鹿門
堪避世與君招隱度漁梁

盧循列艦出湘東鄂渚衣冠掃地空慘淡遼城朝下鶴蒼涼

蜀地夜騰虹悲歌越石艱難際詞賦蘭成涕淚中自是疆臣
乖將略非關天意縱梟雄

賊東走向軍門移師追擊

元戎殺賊獨窮追不待江州進乞師令肅星霜超澗谷春寒
雨雪逼旌旗乘流更遣蒙衝濟借道何憂餽餉遲周訪威名
冠南服杜曾兇狡是亡期

感春二首

巨寇猶賒死幽居獨感春梅驚烽火照柳傍戰場新白骨悲
豺吻丹心仗虎臣空慚恤緯婦未效請纓人

少陽方用事蒙氣屢爲災天下久忘戰廷臣誰薦才三農期

王燭四海望金臺
修政消羣慝

中興業可恢

舟泊鄂渚

鄂王城下骨如邱
黃鵠磯邊戰血流
亂後江山空灑淚
春來花鳥不關愁
誰驕豺虎生靈禍
未翦鯨鯢壯士羞
掃地援旗能雪恥
英風惟憶漢田疇

鄂州清明

台榭春城閉
惟聞巷哭哀
花紅凝蜀血
土黑贖秦灰
燕入多巢木
蛙鳴孰翦萊
死亡嗟已矣
俘掠未歸來

潯陽皖江相繼陷沒

烈燄縱弗滅厥勢成燎原橫流縱弗塞地軸爲之翻節鉞鎮
江上扼險環營屯如何棄戈甲望寇皆先奔狂賊坐得志磨
牙恣并吞溢浦及皖口焚掠僅有存高視比羿羿竊擬霸王
尊豈伊擅智力捍禦無雄藩寡謀之戎略長寇開亂門生民
實不幸鋒鏑傷煩冤眞宰未悔禍憂來誰與論

讀史雜咏得絕句十五首

布死溟旋誅空懷非分圖東南多反氣權首豈容軀
嶽嶽江東士高名顧彥先從容麾羽扇爲國掃烽烟
昔日新亭會諸公灑淚多夷吾今不見流涕更如何
晉室有桓文方州屢建勳走敦仍斬峻多倚上游軍

好亂桓靈寶包藏問鼎謀徒稱天子賊梟首大桁頭
戰艦下潯陽連旗逼建康柵淮憑一戰妖賊竟奔亡
梁山挫臧質扼要在爭奇縱火燔舟艦功歸垣護之
沂流攄錢溪拊扼背吭勢鵲浦能建奇偉矣張興世
白馬禍臺城滔天縱凶豎誰知終暴尸漆頭藏武庫
采石中流戰倉皇用敗兵猶聞大將媿功出一儒生
龍虎山川氣天資命世雄汝曹乞活輩敢擬霸江東
南國穴長蛇腥風捲白沙春江好明月愁照秣陵花
朱雀航邊路殺人豺虎驕可憐流血處漲作白門潮
梟獍方爭噬鳳凰今不來雨花無着處飛遍髑髏臺

凶力行將斃遊魂豈得還蚩尤肩髀冢當在海門山

兩江制府陸公輓詞

廬循席卷蔽江舟散卒倉皇禦下游青坂尚悲房次律赤眉
曾挫鄧元侯常刑敢避雷霆怒積毀難銷水火讐死殉封疆
臣得所東南誰釋

廟堂憂

再塞黃流拯貼危干艘浮海達京師芻糧實濟唐關輔鹽鐵
常充漢度支赤舌謗傷叢怨府白頭忠力盡明時雄飛八翼
功名壯末路傾軛最可悲

君恩寵辱本難量席藁無由訴

九閭磨鏡獨孤心自潔載珠新息事堪傷臨危握節哀司馬
報

國傾宗死建康毅魄千秋依卞壺透拳猶擬射天狼
北府

勁卒東南冠無過北府兵岡巒餘霸氣江海抱雄城重鎮何
爲陷妖氛且未平當關良將少鐵甕亦虛名

蕪城

舊讀蕪城賦今嗟喪亂長綺羅悲浩劫花月怨殘春但遣騎
羣盜誰能問大鈞精兵布淮楚無力靖黃巾

贈左季高

西風閭闔來鷺鳥始用壯殺氣順素商武節孰能抗粵賊久
游魂近聞魄已喪到今猶稽誅惜少頗牧將吾子天下才文
武足倚仗談笑安楚疆借箸無與讓建策扼梁山事寢默惆
悵復議造戈船進破萬里浪鄂渚臨建康拊搯等背吭從此
下神兵勢出九天上贊畫子當行麾扇坐乘舫昔者王龍驤
直指三山向慷慨溫太真義聲實先唱鼓行當中流意氣自
雄張衰懦吾終慙勦子難量懞懞東南民解懸日相望往
戮鯨與鯢露布上其狀江海四澄清乾坤一洗蕩功成卻珪
組五湖踐高尙待子平賊歸結鄰託青嶂

名藩

雙流南紀帶雄城三楚名藩勢不輕翼戴功宜多難會安危
權在上游兵悠悠除授今如戲擾擾風塵况未平茅屋石田
空有願知從何地託躬耕

萬樓觴月歌郭意城舍人屬賦

昭潭萬古中秋月幾照歡遊復離別少陵去後還飛觴當筵

又見清輝發郭侯風流誇墊巾潁川兄弟才絕倫

謂陳懿叔
廣甫昆仲

相逢羈旅極傾倒明月招來作主賓萬樓湧出冰輪高入鴻

涵景明秋毫酒酣興發各起舞飛揚文藻皆雄豪勝會清遊

意未極二客飄搖赴印焚六年人事何參差座間星散條南

北誰攜待詔山水圖風景茲樓曾不殊好事着筆補明月就

中主客如可呼郭侯示我江上樓邀我和歌追昔遊自從去
秋震輦鼓嗚呼流血濺湘渚黃巾陸梁躡吳楚九州無處無
豺虎天邊二客何時歸卽歸道路恐多阻月明回首岸花亭
昔者何樂今何苦還君此圖倍愴神只今寓縣多風塵月華
縱似當年好向夕烽煙愁殺人

九日登樓示楊利叔

哀鴻帶雨下汀洲倦倚西風百尺樓江國羈心懸落日楚天
兵氣偪高秋艱危共灑新亭淚疏賤難忘漆室憂安得普天
無盜賊日傾桑落卧林邱

對雪有作

臘盡空山見雪遲
同雲今日始紛垂
郊原飄灑農相慶
南北傳聞賊並衰
漸有歡聲喧歲鼓
卽看晴色動春旗
華顛喜值中興會
願效元和聖德詩

百柱堂全集卷十五

甲寅

乙卯

監利王柏心子壽

人日雪是日立春

甲寅

人日尋山磴山家雪隱扉澗陰明稍稍江脈動微微勁柏封
條直疎梅坼蕊稀春還猶未覺先鬪六花飛

雪甚

積雪浩無垠千林鳥不喧寒輝通曉夕厚勢隘乾坤杳與空
冥會虛無迹象存吾當乘顙氣鸞鶴舞翩翻

層冰篇

峨峨層冰崖谷斷絕千尺豫章無不摧折熊豹遁蟄龍虎伏

藏山精蘗魑縮瑟如僵昨行暄燠氣候疑愆慘舒倚伏誰測
帝權帝發殺機當者立死苞欒神姦罔敢逃罪彼嗥者豺彼
狡者狐曷不震悚凜我王鈇

芝鹿几歌

張石卿中丞贈此几蟠木之根蚴蟉拏攬狀若鹿走銜芝嘉其糾結自然不假雕鏤遂成此篇

斑龍騰蹕蒼山陲飽啖千歲金光芝化爲靈根入澗壑雲霞
倒映紛葳蕤巧匠揮斤截爲几猶作銜芝飲溪水徐州張公
不用此付與山人住山裏張公文武安楚疆坐論宜歸

金殿旁山人自是麋鹿友臃腫合併支離叟風吹山花滿床
席日日藉草據危石自挈此几歸草堂使我山林壯顏色忽
憶去年江上村男啼婦哭同竄奔祆賊橫戈走上岸殺掠豈

異蛇豕吞山人轉側席不煖至今感歎傷精魂當時若遣挾
此几亦恐剽斂嗟無存

國家將相得人傑盜賊姦雄敢萌檠四方無事恆晏然汝几
豈憂中道捐吾今疲茶藉偃仰但願風塵息擾攘松濤翻空
雲覆蘿吾與汝几安槃阿嗟乎豈惟與汝安槃阿又欲眼前
赤子無奔波

奉寄子方先生

使君投袂起烟蘿壯氣眞如馬伏波

聖主頻煩

丹詔重老臣惟仗赤心多風雲大旆晨籌筆冰雪滄江夜枕

戈早識功成辭上賞扁舟仍返舊山河

春感二首

大淮南北失金湯進犯中原下太行今日兩河成戰地早時
三輔略軍防壺關天井非無險滏水滹沱豈易杭節相行營
連獻捷烽煙多在

帝京旁

津門遙護

國東門受

命宗英力救援蕃部名王趨赴難

禁軍神策出分屯干城高秩隆方鎮

社稷深憂屬

至尊獻歲卽騰鐃吹曲看馳露布映春旛

輓公蓋

正惜清歡多契濶俄驚執友遽淪亡才歸泉下真何用老閑
人間轉自傷西郭雲山猶似昨南園花木未曾荒圖書連屋
琴懸壁尙欲招君出草堂

芥視悠悠世上名狂奴豪氣酒邊生已誇高詠千篇富但少
名山萬里行滿眼干戈偏老大傷心寇盜劇縱橫兒曹家祭
無忘告待挽天河洗甲兵

與芝房別後卻寄

請急單車出

帝城嵩河千里骨縱橫歸來道路差無恙亂後鄉園復苦兵
一疏

赤墀據鯁亮

九閭白日照精誠相逢多難仍揮手愁聽沿江鼓角聲

寄訊季高

武庫森然鬱在胸歸來雲壑暫從容人從方外稱司馬我道
山中有伏龍多壘尙煩三輔戍解嚴初罷

九門烽何當投袂平妖亂始效畱侯訪赤松

淹畱

暫遣幽憂釋看山興未疲溪雲眠石久嶺月度松遲邱壑淹
留日風塵格鬪時頗聞榮澗外鈔略更無遺

答沈浴吾秀才

削跡避豺虎暮投蒼山岑邂逅覲靜士令德我所欽複壁拯
亡命高義難爲任貺我以篇什清越如球琳門下二三子尊
酒時酌斟干戈遍南楚禍亂方相尋潛鱗之大壑巢羽無茂
林豈知塵境內乃有商巖深雨過萬峰秀黛色浮衣襟松篁
憂遠纘穆如笙磬音紛吾釋憂患復此聯朋簪招隱倘不拒
卜鄰當自今

偕浴吾晚坐

寓居無一事向夕尙看山啼鳥不知倦歸雲相與閒忘言超
象外把臂入林間世運方屯戾從君且閉關

雨中作

雷雨倏然至衝風挾石飛得無兵可洗不爾客安歸厭亂人
懷治銷萌

帝建威羣凶猶擾攘回首淚沾衣

獨眺

松得高人韻山於靜者便礪泉喧復定雲壑遯尤妍肥遯名
安用勞生智盡捐君看兵氣滿猶未擾林泉
贈饒柳夫茂才

饒子稟奇特賦詩英且邁卓犖建安骨高視追曹劉吾衰值
多難竄身無所投不死脫虎口幸得依林邱急難荷枉顧慰
藉何綢繆慨然憫塗炭涕泗縱橫流亦知將相在安

國多遠謀大義激肝肺鬱勃不自由宋園墨翟赴秦帝魯連
羞自非英達士孰能懷此憂吾子信壯烈邈焉超匹儔時清
亮不遠

寶命方凝庥周宣會車馬殷高集共球雅頌待繼作巖穴當
盡搜子行奮才藻
廊廟陳歌謳

曉望

攬衣當戶望忽失最高峰知是夜來雨尙餘雲氣封長飈忽

掃蕩還我碧芙蓉俄見升紅旭飛光射萬松

喜聞湘潭大捷

湘西力戰殄凶頑殘賊宵奔僅得還春洗甲兵三月雨威馳
草木八公山村團義憤爭持挺女子傳聞助守關乘勝追師
宜速下直封京觀海門間

寇退柳夫馳視其家

重趼求家屬深虞陷虎狼竄奔應得脫生聚復無糧里近情
翻怯愁多道轉長入門幸相保驚喜定如狂

送家意蘧聞警夜歸

倉皇揮手向斜曛江上全家偪寇氛事急間行終夜月途危

疾走亂山雲尋源世外津難問拔宅人間術未聞多難甯親
吾尙阻奮飛猶媿不如君

夏雨歎

山雲漠漠樓以風江南江北零雨濛夏令恢台忽有此陰陽
回斡難爲功羈客懷土淚如霰况復風塵未息戰自慙經術
非董生敢述春秋闡災變

山中羣盜如蝟毛村氓什九皆避逃資糧剽盡掠丁壯縱有
鋤犁誰敢操近者間出事隴畝復傳賊至浪奔走衝泥冒雨
途路危昏黑顛踣委林藪

苗老未殖麥爛死少年帶劍日蠶起淮南川東鹽不來山市

閉門糴無米飢饉兵戈方薦瘥淫雨恐溢江與河嗚呼民生
只一死嗟今死地何其多

夏口被圍已數月雨阻餽餉實多關潭州新捷機可乘東下
援師當速發廓清江海屠長蛇南北軍書皆一家上游兵力
足匡復不見晉代陶長沙

書感

舟楫東南利無端藉寇兵長江非我有劇盜幾時平進發思
王濬中流憶祖生水仙來往易天塹等閒輕

江上絕句

夕照沙汀野哭高曾無候火報江皋羣山不鎖中流斷日夜

長風送賊艘

亂後村氓尙未歸
漁舟估舶望全稀
沙鷗來往烽煙裏
獨掠江雲自在飛

南國舟航阻賁珠
江淮毒霧尙沈沈
瀆靈猶識尊王意
不改朝宗萬里心

山谷椎埋起亂民
彎弓躍馬望風塵
公卿不見求虞詡
文武何當用寇恂

安得英豪帥楚疆
上游合勢倚荆襄
連旗足建桓文業
莫但區區保一方

羣盜本無終日計
諸公速決進兵期
裹糧坐甲行將悔
破竹

摧枯莫再遲

雨後山眺

凌空高倚石巉岈山色蒼茫雨後看風卷嵐光投鳥外江浮
晴漲出林端田原礪确耕桑儉兵氣蕭條井里殘悵望滄波
纔咫尺誰知歸計轉艱難

賊復陷岳州

偷息凶徒尙倔強舳艫重擬犯湖湘極知乾沒終亡賴暫借
盧循續命湯

湘東軍力保潭州鼎澧荆襄控上游速發舟師乘夏水奇兵
一戰拔巴邱

郡西道中

郊垌莽遶濶壯矣楚雄藩野色迷遙嶺寒聲會古原夔巫西
障塞鄢郢北關門形勢居衝要昇平敢重論

玉陽酬涂竺嶺同年二首

我遊徧江漢今始窺沮漳故人有涂子薄宦淹玉陽大笑喜

我至掃榻催行觴酒酣語楚禍揮淚同沾裳桓桓少司馬謂

鄉曾公

仗順誅豺狼殘黎出湯火厥功同一匡子迺抱遠識未

萌憂履霜巨寇不難掃生民未易康瘡痍待蘇息政在宏大

綱但能去害馬網漏庸何傷方今拯塗炭選吏登俊良在位

矢清潔烝氓歸耕桑盜賊自衰息戈甲可韜藏子言最深切

反復意何長鄙心亦願此悔禍望穹蒼

元蚪穴蹄涔紫鷺巢卑枝高志窘遠步俊傑多有之通才若
吾子博士甘栖遲念昔賡鳴鹿俯仰流光馳豈惟日月逝復
此經亂離吾衰不足用子亦困莫施酌酒起相慰辱贈瓊瑰
詞是邦西南境靈洞標清溪巖壑旣幽邃雲霞常蔽虧傳聞
鬼谷子煉液曾在茲裨闔不足尙沈默乃吾師盍不共攜手
往攀千歲芝人生貴適志羈縻終何爲冉冉追朝露將無仙
者嗤

過當陽長坂

得人似高帝強對憚曹公夏口奔難達滎陽厄正同蛟龍乏

雲雨豚犬誤英雄回首橫矛處千林激大風

陪學使馮展雲同年遊玉泉寺

驚嶺鬱蒼蒼諸峰拱梵王法雲彌郢都山翠壓沮漳鐵塔風
煙古花臺澗壑芳昨聞青犢過龍象竟無傷

曲江吟賞後使節復登臨各有陽春奏同追大雅音高軒停
壑谷遊屐歷山林野客才衰謝徒然喜盍簪

偕觀珍珠泉

漱玉臨丹壑跳珠溼白雲光激寒愈潔響細靜方聞鳳剎垂
空映虹梁界道分未能尋乳窟仙掌閱靈芬

玉泉山有乳窟
產茶名仙人掌

行峽州山谷中

陟嶺跨龍脊下坂摩虎牙崎嶇踐犖确常恐顛墜嗟吾觀此
迷狹寇至可要遮一夫但柴險十萬空紛拏昨者米賊過曾
無一矢加拊掌度隘口薦食成長蛇闕穴勇者勝悲哉無趙
奢

三遊洞送展雲同年按試施州

茲洞靈所扁發名自元白匪直山水滋兼爲別離惜我來方
仲冬亦送皇華客客行乘傳車迢迢夜郎隔遂約窮躋攀追
尋昔賢迹賓從聯簪裾賈勇共臘屐峽勢從西來插天巨穹
石開闢勞神工委蛻不盡骨餘氣猶嶙峋蟠結倍鬱勃始登
蘿可攀繼進苔不滑化城開瓊樓仙竇發乳窟窅奧肅心神

陰森凜毛髮出洞何豁然俯視蜀江窄攬之懷袖間勢可吞
梁益山寒難久留暮色暗林樾草草各言旋弭棹未忍發留
詩蒼巖間歲久冀不滅

西陵峽畔口占送別展雲同年

君過明月與黃牛卻望巴江入郢流峽口聞猿堪淚落亂山
風雪更施州

復送幕中鄧守之鄭雪樵言卓林陳海門吳晴舫諸子

施州聞道險難躋送別西陵猿已啼明月峽前應見月愁心
先過夜郎西

下牢溪

泉脈會千山淙流去不還光飛巖腹裏聲戰石稜間猿飲攜
羣捷鷗窺照影閒寂寥防戍迹古是下牢關

登彝陵郡樓

巴山西望迴崔嵬禹力難平灩澦堆白浪欲搖坤軸斷青天
忽放峽門開逶迤萬堞環雄郡阨塞千秋付將才誰道重關
警風鶴武安君去赤眉來

東山寺

彝陵最勝東山寺歲暮登臨雨雪昏峽口千山蟠蜀塞江流
雙闕峙荆門花時遊冶都陳迹兵後招提只斷垣欲得才如
謝安石從容棋局掃蜂屯

六一書院

卑官甯是辱直節不能回天遣文章伯名成政事才椒馨申
祀肅梨雪待春開沒沒高司諫空隨萬古埃

舟望荆門作歌

壯哉荆門虎牙之勢何崢嶸江流日夜雷霆驚自從開闢便
設此楚蜀門戶如雄城天生險阻孰能剗遂使英雄多戰爭
田戎豎子豈知守躍馬公孫竟何有後來橫江持鐵鎖不敵
阿童一炬火龍拏虎鬪安在哉千秋廢壘餘蒿萊山川成敗
古難定攻守豈不資奇才我乘扁舟向夜發酒酣懷古興超
忽回望巴江天際來浮空盡是峨眉雪

夜過獠亭

下策吳兒善火攻，獠亭暮氣遂無功。
我來卧穩舟行疾，蠻觸千年只夢中。

戈船

乙卯

百戰湘東士，戈船殺伐張。
尙須嚴斥堠，莫但倚舟航。
永夜占箕宿，寒聲發土囊。
乘風虞縱火，未可廢周防。

潯陽

潯陽圍久合，寇若檻中猿。
未敢逾重壘，惟當斷外援。
孤城非絕險，殘眾豈長存。
慎莫矜攻具，徒傷戰士魂。

連營

賊衝西上直斬黃盡倚連營扞楚疆未作老羆當道路空聞
單馬遁倉皇旌麾不受英豪選州鎮終成戰鬪場稍喜南軍
能力救依然江漢舊金湯

送死凶徒可坐吞只須堅壁陣雲屯百金選士軍方練一鼓
摧鋒賊必奔玉節牙旗新幕府長江廣漢昔雄藩陶公威略
今難得部下澄清未易論

入春久不雨

去秋已少雨道上多黃埃冬雪不盈尺暖律潛相催恒陽屆
春孟氣候如恢台南風走沙石晝夜聲喧喧暄煥訝何驟當
晝時爲霾江湖可步步菽麥成枯荻農人望甘澤剡耜空遲

回干戈尙未戢徧地虎與豺征討歷年歲詎見殲渠魁行齋
復居送閭左傾貲財逆賊仍出沒田野多污萊旱象復如此
漏沴難可推生民日流血真宰能弗哀農事首東作屯膏何
爲哉

聖皇內儆惕憂勤堯舜懷陽感不旋日側身銷變災霖雨任
賢佐早登巖穴才

孟月

王春猶孟月暄燠過南中柳競晴皋綠花先戰地紅誰將甘
澤吝未遣土膏融下隲成龜坼何由俶載同

農事

雨雪均先斷勾萌未得蘇
暄陽蒸赤旱生意闕青蕪
氣洩花先發膏屯麥欲枯
戈鋌仍未息農事轉艱劬

憂旱

陽氣多愆伏春兼夏令行
禍連兵不解憂迫旱將成
變異歸銷弭烽煙望肅清
潛郎臥江海揮淚獨縱橫

衝颿行

正月南風若五月單衣揮
汗有餘熱爛熳桃李無不
華履端倏變豔陽節倚伏
誰知藏化機北風驟鼓寒
門威鳶鳴吹墮百里外江
水直立山倒飛潯陽戰艦
昨不利楚塞師潰又相繼
銅馬長驅屠漢皋喋血洗
刀復得計汝曹悖逆干天
常偶

然翻覆容跳梁疾風吹汝作埃滅稔惡終受天誅亡援師近
報集夏口勢若衝颿擊枯朽汝曹剝裂不足憐塗炭何辜痛
黔首

天大風俄而霰集

驟覺寒風厲俄驚急霰催亦知威太肅猶喜潤能回圖治銷
氛祲

登賢贊斗魁綬豐庥漸至

端拱詠康哉

桑榆二首

義師傳檄起湖湘墨經孤臣氣慨慷擊楫千帆驚蜃鰲揮戈

百戰掃豺狼乾坤整頓須豪俊沔鄂澄清復井疆便率虎貔
盜浦下進誅梟獍蔣山旁

計日潯陽待獻囚旌旗列艦蔽滄洲樓船直擬平吳會節度
誰知潰相州箕伯祝融張虐燄窮奇饕餮逞凶謀繩池奮翼
終相望後效桑榆或可收

飛將

南來飛將在行閒強鷲真如吳子顏百戰縱橫當矢石一軍
號令肅邱山聞聲羣賊皆驚走掃穴諸城盡奪還近報河陽
仍退守臨淮壁壘壯江關

感事七首

廟謨勤指授方鎮共安危並有匡扶責曾無犄角師畫疆援
輒斷奉

詔赴仍避仗此殲凶猾終難歲月期

沿江收潰散往往憚長征只自縻虛餉何能益勁兵喧呼惟
縱博剽掠未還營此輩終須汰軍威始得行

南卒矜驍果摧鋒捷若飛來因干賞赴散卽掠貲歸但可倡
輕銳仍難效指揮治兵惟節制可與蹈危機

處處徵丁壯村村築戍臺瘡痍猶未起符檄屢相催寇至誰
當禍民窮更括財佳兵原有戒不戢恐爲災

專閫一方雄牙旗鎮渚宮養威恆坐甲馳奏論功飛蓋趨

門下影纓遍國中爛羊盡都尉何必遠從戎

稅畝今方急誅求吏益驕經營先府寺喪亂應征徭旱潦仍
難測烽煙亦未銷如聞小東怨或望察風謠

虹霓干白日風雹偏青陽愆伏災非細憂勤德可禳爪牙求
將帥舟楫寄才良翹首

中興業

諸陵王氣長

重有感

靖變無雄俊殘黎偏禍災兵多仍養寇亂久未聞才辛苦昭
通將艱危轉闕來奪城援不至空遣按軍回

沔鄂化沙蟲頻年浩劫同傷心三戶盡暴骨兩城空日月煙
塵裏山川戰血中威名能壯拯引領望元戎

謂軍門塔公

仲夏江村遣興

雨後沙壩漲柴門倚岸開磯痕侵石沒山勢渡江來燕語頻
相過鷗情了不猜羲皇如未遠高臥信悠哉

觀化林中靜閒中物候遷衆芳初謝鳩茂蔭已聞蟬入市新
絲潔瀕湖早稻先豐穰無待祝所冀罷戈鋌

日日戈船下中流擊機行大呼波上兕盡戮穴中鯨芻粟浮
相繼煙塵掃卽平湖湘重脣齒江漢賴澄清

偃息能藩魏圍城竟卻秦高風如可作壯氣久無鄰衰劣時

多難蒸黎禍日臻楚氛猶未散空憶俊雄人

幕府諮軍事方州走辟書名原非駿骨興只在鱸魚檣櫟甘
長棄蓬蒿久不除猶慙元豹隱澤霧少幽居

身遠心徒赤憂來鬢已皤艱危人傑少朋舊

國殤多倚杖時看壁銜杯獨放歌紫芝開爛熳招我入巖阿
徹廬江水上薦偏赤眉羣風鶴頻成竄池魚亦被焚榛蕪迷
舊徑煨燼撫遺文二百年喬木高槐獨入雲

上游

上游倚開府力捍賊縱橫誓衆呼號厲臨危智勇生揮戈魯
陽舍堅壁亞夫營近喜孤軍振終收夏口城

立秋夕

素節旋看大火流，蕭疏客鬢倦登樓。
微雲不捲斜侵漢，涼雨無聲暗度秋。
推轂詎難清楚塞，揮戈仍未靖神州。
瘡痕滿地，方徵斂垂淚江湖有百憂。

南郡遇張曉峰太守賦贈

雄談憶接鄂王城，武庫森然露甲兵。
一出仙鳬多擾攘，五年銅馬太縱橫。
次公特拜高車守，揖客前籌上將營。
暫遣趙張遲政績，先期羊杜播威名。

庭前詠

觸熱至南郡，大火旋西馳。
公超市未集，董生空下帷。
庭前理

荒穢槐杏手所移連蜷桂之樹似與招隱期秋卉欲逞媚若
穎何參差灝氣下清露一一含華滋長蛇穴夏口流血成川
坻名園衆卉木赤地嗟無遺茲邦獨殷盛轂擊如臨菑絲管
益騰沸饕飮多膏脂對此階下植欣欣揚英蕤垂淚不忍視
吞聲中自悲悵然詠萋楚樂子方無知沔鄂何不辰嗚呼猶
亂離

答鄭雪樵

櫓槍五稔未銷除漂轉身經喪亂餘楚塞山川多列戍海天
兵甲少來書才名鬱鬱韜塵劍旅食栖栖逐使車莫效安仁
賦秋興只令青鬢日凋疏

西陵昨悵分襟速南郡今憐握手稀
酒後畫師恆臥疾秋來
羈夢只思歸荒涼楚澤迷
蘭畹憔悴江潭製芰衣
拔劍王郎
嗟亦老鯨魚跋浪氣全非

城上

城上秋來鼓角悲西風獵獵動旌旗
安州會戰無消息夏口
連營有是非莫遣閭閻供
獍獠還須節鉞屬熊羆
頗聞妖賊
方衰困一舉推鋒計莫遲

安化縣令歌

美夏子秋丞守城之績也

安化縣令楚男子身杆巖疆百餘里
請援不發賊蠡起日夜
登陣激壯士滇師蜀師環如雲
出沒莫制青犢羣彈丸岌岌

勢不保獨起募衆成一軍土圍萬人猛如虎號令親申執桴
鼓至者裹糧修我矛大陳忠義淚如雨乘高據隘豫設伏謀
來入境悉就戮凶徒膽落無敢窺旌旆千山靜且肅賊衰苗
熾仍跳梁亦復憚犯安化疆區區山城僅掌大堅壁遂足雄
金湯頻年東南久不競嚴關高城委梟獍豈無鎖鑰江與山
惜哉不得安化令安化縣令無節旄亦未學舞陣前刀身長
初不滿六尺威望竟與長城高昔年低頭共文史胸中甲兵
乃如此秦庭痛哭何人哉吾儕偷生但媿死嗟乎縣令眞男
子

中秋夕招同管清軒李勉齋家意遽月樵宴集

西風蕩萬里搖落多商聲搖落易爲感豺虎猶未平今夕復
何夕桂魄三五盈浮雲挾疏雨翳此玉鏡明座客起惆悵停
觴對前楹霄漢有顯晦世運多戰爭萬事不足道才俊難合
并管侯惜嘉會落筆人盡驚羣賢亦振藻文雅皆縱橫吾衰
撫匣劒徒作蛟龍鳴宣憤寄詞翰解紛須豪英誰其揮白羽
一掃煙塵清

九日招同純鋒勉齋月樵會飲卽送張子熊飛赴鄂州軍幕
高秋萬象肅驚鳥乘風翔惡氛漸聞斂兵氣今始揚援師有
飛將轉戰鋒莫當蕭晨值令節置酒會高堂簪萸盡逸客釋
此愁悶腸張子留侯裔仗劒來南陽才略抱文武淵然未可

量叩之偶一露守雌仍括囊龍虎倏變化鬼神侔張志在
靖凶逆請纓何激昂云當赴戎幕罷酒行治裝座客共聞此
起舞皆慨慷明晨送挂席江漢流湯湯別離勿復悵借箸安
楚疆功成卽揮手歸臥嵩山傍

題展雲學使江渚聯吟集二首

駟馬乘軒日長蛇覆楚年烽驚梁苑外節駐庾臺邊攬佩蘅
皋渺停驂柳雪遷周南暫留滯亦未是連遭

紅蓮賓幕盛叢桂小山高麗則殊宮體廉貞配楚騷同聲欣
穆羽逸響激秋濤郢曲今方擅荆潭詎足豪

酬言卓林茂才

言故青中丞客也今在馮學士幕

樂布哭彭越所懷國士恩顧盼感意氣死生終弗諼夫子梅
里裔入楚隨高軒主人領軍府賊勢如蠶屯城孤食且盡潰
圍前乞援賓客倉猝散榛莽宵竄奔側聞杜郵賜血濺枯草
根西上泝湏水羈困難自存幸逢使者至北海仍開罇相將
滯荆郢未得攀蘭蓀中夜忽思舊惻愴聲暗吞荒郊尙埋碧
飲泣孤臣魂烽煙慘鄉國何處江南村拔劒起擊柱莫釋心
煩冤靈脩任浩蕩已矣勿復論

屈宋久不作大雅安可求皇琴競里耳雜進吾所憂羈客萃
詞彥高吟悲九秋望古紹貞則騷辨承風流昨枉贈新什逸
響哀且邁矯然建安骨作者追應劉修蛇亘千里駭鯨蕩九

州奸雄尙反側賢哲多滯留遂令鵠與鷺飄搖困滄洲歎此
九苞翼豈隨片鵠儔氛翳會當掃八表昭

皇猷朝陽待翮羽往侍卷阿游

得李鶴人廉訪書卻寄

使君忠孝膽縱橫三楚烽煙誓掃平白浪黃龍高戰艦黑山
青犢憚威名揮戈直指妖星落移壘旋看廣漠清聞道條侯
求劇孟猶能折節用豪英

歌贈俞子雪岑

南國烽煙暗南紀蕭然身世鼓鼙裏羈居仰屋懷百憂詎意
塵中覩奇士足音叩門何少年云是吳興雪岑子劒眉電目

豐兩頤磊落負此熊虎姿只言氣近幽并俠誰道胸藏韜略
奇雷霆動地翻秋濤江勢蹴倒瞿塘高虛堂忽訝那得此對
子詩筆驚雄豪滇蜀遨遊久不樂佩刀將謁征南幕同行二
子才並奇擊楫誓掃楚氛惡人言布衣多可輕大志廓落將
無成不見談笑取旌節韋皋嚴武皆書生送子浮舟江水東
津亭望望心何窮滄波欲盡渺煙樹矯若盤鵬向空去
喜鄒星溪孝廉見過

郊原頻築壘江沔未銷兵老至憐飄泊時危喜俊英悲歌離
永夕風雨偪高城相對誰能寐荒雞有惡聲

秋賦當年冠君爲杞梓材元蚪尙泥淖赤驥且塵埃氛淨三

霄迴雲高九扇開應知漢庭對卽擢董生才

雨中作

時羅羅山方伯率援師駐蒲圻

一軍援楚號雄師轉鬪無前寇不支豈謂霑濡旌旆涇翻愁
飛輓道途遲攻心折首乘今日貸命游魂活幾時念昔匡王
勞破斧東山零雨爲興悲

鶴人廉訪過訪以詩見贈并屬撰其尊甫方伯公墓誌賦此
奉答

威明小隊訪潛夫暫領樓船駐郢都墨經興師身將帥黃巾
流禍世艱虞揮戈志掃羣凶盡搖筆詩驚萬馬驅只擬甲兵
森武庫誰知篇翰壓文儒

頂踵捐糜當死地干戈寢枕在前軍國仇家禍人閒勸子孝
臣忠天下聞百尺豐碑標隧柏千秋遺廟壯鄉枌段公逸事
中丞傳授簡猶慙不朽文

仲遠太守過郡相見

書生躍馬領偏師破陣曾煩白羽揮每惜田豐謀不用偏嗟
李廣數多奇一身老瘦憐辛苦九死艱難慰別離今日掃氛
勞借箸何言遽與部松期

批亢

聞道安州復兼旬未進師軍威當席勝兵法在乘疲盜賊無
長計遷延必後時銜枚趨沔鄂批亢更何疑

軍門塔公輓詞

入夜檣槍燭先秋大樹凋喪歸祭征虜算促霍嫖姚刁斗多
嗚咽弓刀欲動搖英雄滿襟淚終古憤難銷

驚將起熊湘驍騰百戰場前驅收沔鄂轉鬪復斬黃師過歡
如沸威行令若霜壺頭嗟見搯遺恨在潯陽

精忠同涅背

涅背四字與岳忠武同

名將未圖形

宋史狄青在軍中詔命圖形以進正

擬清妖霧俄驚落大星

公卒之前二夕大星西南流其光燭地

悲號騰部曲叱

咤想英靈應助天戈殛雲旗下杳冥

恨抱宗留守功隳祖豫州虎臣今不作蛾賊尙堪憂宵旰艱
危日乾坤戰伐秋

詔書聞痛惜推轂將難求

又一首

長驅堪殄赤眉羣可惜年凋霍冠軍一事知人足千古穰侯

特薦武安君

以少司馬湘鄉曾公特薦遂至專閫

答方友石

豪游吟徧錦官城出峽波濤萬馬聲滄海橫流堪灑淚風塵
多難獨論兵西浮旅客沙棠檝東謁將軍細柳營韋布有心
期報國閒關終自請長纓

飛棹乘秋過渚宮淹留未得一樽同豈知夢遠鷗波外忽漫
書傳虎帳中才子從軍詩益壯詞人草檄氣何雄顧慙衰白

猶鉛槧無力能彎兩石弓

寄段錦谷參軍

參軍別我已三年忽有新詩過百篇遠涉夔巫來郢甸更從
輦鼓事戎旃波濤東望鯨鯢窟花月南朝豺虎邊不少胸中
平寇略早紆籌策靖烽煙

寄俞雪岑時客軍幕

滇池曾侍鯉庭趨劒閣銘詞曠代無祭酒書生多異相少年
兵法得陰符清樽忽悵風流遠神劒終看變化殊此去盾頭
先草檄速將氛霧廓江湖

寄答秋丞刺史

潢池甫靖未論功
怙險苗頑又伏戎
嚴邑當關羣盜側
書生乘障萬山中
倉皇盡識戈矛義
儒雅仍行俎豆風
禦侮已堪兼將略
抽毫猶不媿詞雄

河內似聞留子翼
武都還擬擢升卿
需才最是邊方急
撥亂無如吏道清
同學幾人徵實用
分符一旦雪虛聲
何當牧守皆君輩
盡遣瘡痍得再生

題興國寺放生池
梁元帝有荊州放生池碑今無存

孝元碑已沒地是放生亭
屢換紅羊劫仍傳白馬經
宏慈歸帝釋羣衆謝天刑
殺運今難息猶悲戰血腥

元妙觀

觀前碑爲元歐陽原功撰危素書

祝釐持絳節營觀侈元都朝野榮烜赫仙事有無廢壇猶
下鶴壞館只唳烏學士高文在崢嶸碣未蕪

過城西太暉觀

琳宮傳傑構今在郢西門鸞鶴何年下烏鳶盡日喧波沈寒
水斂山迴暮雲屯太息來樵牧空悲帝子魂

明湘獻王墓在觀側

仲閩避地來南郡仍赴漢陽訪家人消息

沔鄂三遭陷宗門半受屠殘生脫鋒刃單艇走江湖世亂憂
方大天寒淚欲枯相逢一樽酒爲子慰窮途

近喜孤軍振求家詣漢陽蕭條經戰地提挈復他鄉未定浮
生計難春越宿糧衣襦仍自薄何以犯風霜